



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

VIII. Moderatio Inhibitionis factæ Inquisitoribus Regni Portugalliæ.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Pontifex e-
firmat dd.
Statuta, &
Decreta.

§. 3. Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad præmissorum effectum dumtaxat consequendum harum herie absolventes, & absolutas fore censentes, supplicationibus eorum nomine nobis super hoc humiliter porrectis inclinati de Ven. Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, attentis expositis, Statuta, seu Decreta supra expressa a Diffinitorio, facta, ut præfertur, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos Juris, & Facti defectus, si qui desuper quomodolibet intervenerint, supplemus: Salva tamen semper in præmissis auctoritate Congregationis eorundem Cardinalium.

§. 4. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore spectabit inviolabiliter observari: sicque in præmissis per quoscumque Judices Ordinarios, & delegatos, etiam Caesarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit Ordinis præfati, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene & sufficienter expressis, & insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Anno Pontificatoris die 27. Novembris 1676. Pontificatus nostri Anno primo.

Derogatio.

VIII.

Committitur Nuncio Portugallie moderario inhibitionis factæ Inquisitoribus dicti Regni Portugallie in Causa Recursus novorum Christianorum.

Hanc inhibitionem habes supra inter Constit. Clementis X. incipien. Cum dilecti nobis.

Ven. Fratri Marcello Archiepiscopo Chalcedonen. in Portugallie, & Algarbiorum Regnis nostro, & Apostolicæ Sedis Nuncio.

Dat. 28. Nov.
1676. An. 1.

INNOCENTIUS PAPA XI.

Ven. Frater salutem, & Apost. Benedictionem.

Causa concessio-
nis præ-
dictæ Inhibi-
tionis.

Alias cum dilecti filii Christiani novi nuncupati, sive ab Hebræis descendentes in Portugallie, & Algarbiorum Regnis degentes, qui in carceribus Tribunalium Inquisitionis adversus hæreticam, & apostaticam a Fide catholica, & Religione Christiana pravitatem in Ulyssiponen., Eboren., & Conimbricen. Civitatibus auctoritate Apostolica institutorum propter imputata eis crimina ad Officium Inquisitionis hujusmodi spectantia, de quibus accusati, seu inquisiti respective existebant, detinebantur, ad fel. rec. Clementem Papam X. Prædecessorem nostrum, & hanc Sanctam Sedem recurrissent, con-

querentes, bo. me. Petrum Archiepiscopum Siden., qui tunc adhuc in humanis esse credebatur, Generalem, & reliquos Inquisitores adversus hæreticam pravitatem in dictis Regnis auctoritate præfata deputatos, seu eorum aliquos ad novum actum (ut vocant) Fidei contra ipsos, sive ad eorum condemnationem, eorumque ad publice abjurandum coactionem, & in hujus defectum ad diversarum pœnarum inflictionem, atque executionem nimia præcipitatione, quæ Justitiæ noverca esse solet, nec servatis iis, quæ per Sacrorum Canonum, & Constitutionum Apostolicarum æquitatem præscripta sunt, devenire velle, non sine Justitiæ subversione, ac ipsorum, totiusque eorum Nationis ruina, & destructione:

§. 1. Idem Clemens Prædecessor qui in supremo Justitiæ throno a Domino constitutus, Justitiæ omnibus æqua lance administrare tenebatur, eorundem Christianorum recursum hujusmodi admittens, ac causam, & causas quascumque contra eos, & eorum quemlibet super criminibus, & delictis ad officium inquisitionis hujusmodi quomodolibet spectantibus in præfatis, aliisque Tribunalibus quibuscumque adversus hæreticam, & apostaticam pravitatem prædictam in supradictis Regnis dicta auctoritate institutis, seu eorum aliquo eatenus quovis modo motas, & pendentes, in statu, & terminis, in quibus tunc quomodolibet reperiebantur, ad se, & ad Sedem præfatum advocans, ipsasque causas cum omnibus, & singulis illarum accidentibus, emergentibus, annexis, & connexis, totoque negotio principali per Congregationem Ven. Fratrum nostrorum tunc suorum S. R. E. Cardinalium in tota Republica Christiana generalium Inquisitorum adversus hæreticam, & apostaticam pravitatem hujusmodi a Sede præfata deputatorum, cui easdem causas commiserat, & demandaverat, audiri, cognosci, decidi, sineque debito, prout Juris foret, terminari debere omnino volens, Motu proprio, ac ex certa scientia, & matura deliberatione suis, & deque Apostolicæ potestatis plenitudine memorato Petro Archiepiscopo Inquisitori Generali, ac reliquis Inquisitoribus præfatis districtè inhibuit, ne causa, & causis hujusmodi in præfata Cardinalium Congregatione pendentes, aut alias quomodolibet donec, & quousque specialis expressa desuper ab ipso Clemente Prædecessore, & eadem Sede licentia eis concessa fuisset, ad ullum similem actum (ut vocant) Fidei, ullamque publicationem, promulgationem, aut executionem novarum sententiarum quarumcumque contra præfatos Christianos novos, ut præfertur inquisitos, seu accusatos, vel denunciatos, & in Carceribus prædictis detentos, aut illorum aliquem devenire ullo modo auderent, neque ipsi, aut eorum aliquis, seu ipsorum, & cujuslibet eorum respective Consilarii, Commissarii, Procuratores Fiscales, Assessores, Notarii, Actuarii, cæterique Officiales, & Ministri contra ipsos, aut eorum quemlibet, illorumve, & cujuslibet eorum respective Advocatos, Procuratores, Solicitatores, Agentes, seu negotiorum Gestores, aut alias quomodolibet pro eis intervenientes quovis modo directè, vel indirectè, seu alias quomodolibet quicquam novi attentare, vel innovare præsumerent.

§. 2. Ipse enim Clemens Prædecessor eidem Generali, & reliquis Inquisitoribus, eorumque, & cujuslibet eorum respective Consiliariis, Commissariis, Procuratoribus Fiscalibus, Assessoribus, Notariis, Actuariis, cæterisque Officialibus, & Ministris prædictis in virtute Sanctæ obedientiæ districtè præcepit, & mandavit, ut quibuscumque mandatis, ordinationibus, & Decretis dictæ Congregationis Cardinalium in Causa, seu Causis hujusmodi eatenus forsan emanatis, &

Inhibitio facta à Clemente X.

Contenta in eadem Inhibitione.

inposterum

inposterum usque ad finem, & terminum earumdem Casuarum quomodolibet emanaturis, omni mora, dilatione, tergiversatione, oppositione, & contradictione postpositis, & remotis, prompte, sicut devotos dictae Sedis filios decet, parent, nec illa, eorumve executionem quomodolibet impedire, aut illis in Judicio, vel extra illud se opponere, aut contradicere ullo modo auderent, seu praesumerent; Alioquin dictus Petrus Archiepiscopus Inquisitor Generalis suspensionis ab exercitio Pontificalium, & interdicti ab ingressu Ecclesiae, & privationis muneris Inquisitoris Generalis, reliqui vero Inquisitores praefati, eorumque respective Consiliiarii, Procuratores Fiscales, Commissarii, Assessores, Notarii, caeterique Officiales, & Ministri excommunicationis latae sententiae, ac privationis officiorum quomodocumque ad Tribunal Sancti Officii spectantium poenas ipso facto, & absque ulla declaratione se respective novissent incursum, a quibus absolutionem idem Clemens praedecessor sibi, & dictae Sedi Apostolicae specialiter reservavit, & alias prout in ipsius Clementis praedecessoris literis desuper in simili forma Brevis die 3. Octobris 1674. expeditis, quarum tenorem praesentibus pro plene, & sufficienter expresso, & inserto haberi volumus, ubertius continetur.

§. 3. Cum autem Nos hodie, seu nuper Ven. Fratrem Verissimum Archiepiscopum Bracharen. haereticae, & apostolicae pravitatis hujusmodi Inquisitorem Generalem in Portugalliae, & Algarbiorum Regnis supradictis cum solitis facultatibus in locum praefati Petri Archiepiscopi defuncti per alias nostras in simili forma Brevis literas, quarum tenorem praesentibus itidem pro plene, & sufficienter expresso, & inserto haberi volumus, dicta auctoritate constituimus, & deputaverimus; Causa vero, seu Causae praefatae in supradicta Cardinalium Congregatione adhuc pendeat: Hinc est, quod Nos Decretis quibusdam provisionibus ab eadem Cardinalium Congregatione in Causa Recursus hujusmodi antehac emanatis, & a praefato Clemente praedecessore approbatis, a quibus recedere nullo modo intendimus, inhaerentes, ipsaque Decreta renovantes, & donec ea, quae super dubiis propositis decernenda nobis visa fuerint, statuimus, omnino observari praecipientes:

§. 4. De praefatorum Cardinalium Consilio, Fraternalitati tuae per praesentes committimus, & mandamus, ut inhibitionem a memorato Clemente praedecessore per suas literas praefatas sicut praemittitur factam in omnibus ejus partibus auctoritate nostra Apostolica ita modereris, & reformes, ut Verissimo Archiepiscopo generali a Nobis deputato, & reliquis Inquisitoribus praedictis contra supradictos Christianos novos nuncupatos in dictis Carceribus, ut praesertim detentos, servato juris ordine, ac juxta aequitatis, & Justitiae regulas liceat procedere ad poenas & animadversiones debitas, praeterquam ultimi supplicii, treremium perpetuarum, & confiscationis bonorum, a quibus eos, & eorum quemlibet donec, & quousque a Nobis, & Sede praefata aliter dispositum fuerit, omnino abstinere volumus.

§. 5. Ac proinde eidem Verissimo Archiepiscopo generali, & reliquis Inquisitoribus, illorumque, & cujuslibet eorum respective Commissariis, Consiliiariis, Procuratoribus Fiscalibus, Assessoribus, Notariis, Actuariis, caeterisque Officialibus, & Ministris dicta auctoritate districte, & sub poenis, quae in praefatis Clementis praedecessoris literis expressae sunt denuo inhibeas, ne contra eosdem Christianos novos in Carceribus hujusmodi detentos, aut eorum aliquem interea ad ultimi supplicii, vel treremium perpetuarum aut confiscationis bonorum hujusmodi poenas

procedere audeant quovis modo, seu praesument.

§. 6. Praeterea tibi facultatem harum serie tribuimus eadem auctoritate permittendi Verissimo Archiepiscopo generali, reliquisque Inquisitoribus praedictis, ut prout Justitia exegerit, & ordo poposcerit rationis procedere possint, etiam contra praefatos Christianos novorum in dictis Carceribus detentorum Procuratores, Advocatos, Agentes, seu negotiorum Gestores, & alias quomodolibet pro eis intervenientes, dummodo tamen non possit subesse suspicio, hoc fieri in odium recursum supradicti ad hanc Sanctam Sedem habiti, & ab eadem Sede admissi, ad quem effectum dicti Inquisitores a tua talium Processorum tibi ad beneplacitum tuum communicare teneantur.

§. 7. Non obstantibus quoad ea, quae praesentibus quomodolibet adversantur, aut adversari dici possent, praefatis Clementis praedecessoris & nostris literis, necnon omnibus, & singulis illis, quae in eisdem literis concessa sunt non obstante, caeterisque contrariis quibuscumque.

Datum Romae apud S. Petrum sub Annulo Piscatoris die 28. Novembris 1676. Pontificatus nostri Anno primo.

Confirmatio Decreti circa processionalem delationem Cadaverum ad Ecclesias Regularium.

INNOCENTIUS PAPA XI.

Ad futuram rei memoriam.

Exponi nobis nuper fecerunt dilecti filii Fratres Conventus loci de Binasco Papien. Diocesis Ordinis Minorum S. Francisci de Observantia Reformatorum nuncupatorum, quod ipsi alias a Congregatione tunc existentium Sanctae Romanae Ecclesiae Cardinalium Concilii Tridentini Interpretum obtinuerint Decretum tenoris, qui sequitur videlicet: Papien. Funerum. Regulares Minores strictioris Observantiae S. Francisci Diocesis Papien. ad aliqua inconvenientia orta occasione defunctorum, qui ad eorum Ecclesiam deferuntur, ubi habent proprias sepulturas, supplicant declarari:

Primo, An Curatus unius Diocesis quaecumque sit in transitu Cadaveris, quod processionaliter deferuntur ad Ecclesiam Regularium ad alia Diocesi transeundo per propriam Jurisdictionem, & Parochiam, possit aliquam partem petere Ceræ, & pecuniarum ab haeredibus Defuncti pretendere.

Secundo, An proprius Parochus Defuncti transeundo per Parochiam unius Parochi alterius cujuscumque Diocesis ad effectum deferendi processionaliter Cadaver ad Ecclesiam regularium possit libere, & licite per eandem cum Stola, & Cruce elevata transire, etiam irrequisito Parocho.

Die 28. Novembris 1671. Sacra &c. Ad Primum respondit negative, ad Secundum affirmative -- In quorum fidem &c. Romae 14. Novembris 1676.

I. M. Brancaccius Episcopus Viterbien. S. C. C. Secretarius.

§. 1. Cum autem sicut eadem expositio subungebat, dicti exponentes, Decretum hujusmodi quo firmius subsistat, & servetur exactius, Apostolicae confirmationis nostrae patrocinio communiti summopere desiderent: Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & Interdicti, aliisque

Derogatio.

IX.

Dat. 2. Dec. 1676. An. 1.

Species facti.

Decretum Congregationis Concilii.

Preces.

Archiepiscopus Bracharen. Generalis Inquisitor a Pontifice constituitur.

Pendente d. Recursu Decreta provisionalia Congregat. Cardinalium General. Inquisit. servari praecipitur.

Committitur Nuncio moderatio inhibitionis.

